



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1675. usque ad annum 1681

Fleury, Claude

August. Vind. [u.a.], 1780

VD18 90119207

§. 7. Burignoniae Virginis fatuæ deliria & obitus.

[urn:nbn:de:hbz:466:1-67305](https://nbn-resolving.org/urn:nbn:de:hbz:466:1-67305)

„publici subscriptis, & sigillo personæ Sæc. XVII.
 „in Ecclesiastica dignitate constitutæ A. C. 1680.
 „munitis, eadem prorsus fides, tam
 „in iudicio, quam extra illud ubique
 „illorum haberetur, si exhibitæ forent,
 „vel ostensæ.,,

Jam antea P. Honoratus Fabri ite- *Lettr. d'un*
 dem Socius doctrinæ moralis Jesuiticæ *Theol. tou-*
 apologeticum conscripsit, in cuius se- *chant la mo-*
 cundo tomo libellum supplicem Patris *ral. p. 73.*
 Mojæ recensuit, suæque apologiæ au- *Alegambe*
 ctoritatem conciliavit approbatione *Bibl. Script.*
 ipsius Pauli Olivæ Societatis Præpositi *S. J. p. 350.*
 Generalis, sui P. Provincialis, Patris
 de la Chaise, & octo aliorum Socie-
 tatis Theologorum, nihilominus tamen
 hæc ipsa ejus Apologia Anno 1672. &
 1673. a S. Congregatione Indicis pro-
 scripta est.

§. VII.

*Burignoniæ Virginis fatuæ deliria,
 & obitus.*

Hoc demum anno Antonia Burigno- *Arnold. Hist.*
 nia deliriis vitæque suæ finem fe- *Hæret.*
 cit. Hæc Insulis in Flandria Patre *Vol. II.*
 Mercatore nata, dum supra ætatem *p. 3. c. 16.*
 sexumque sapere incæpit, nunquam *pag. 154.*
 desipere destitit. Decimum nonum æ-
 tatis suæ annum agebat, dum e pa-
 terna domo aufugiens, Montensem
 Archi-

Sæc. XVII. Archiepiscopum accessit, apud quem
 A. C. 1680. Catholicos omnes a vera fide defecisse
 insimulans, instabat, ut cum aliis Vir-
 ginibus in quodam pago, *Blatton* no-
 mine, Evangelicam vitam ducere va-
 leret: cum autem omnem orthodoxæ
 fidei cultum, disciplinam & sanctimo-
 niam ludibrio habere, novamque sibi,
 potissima ex parte Enthusiasticam do-
 ctrinæ ac disciplinæ normam confingere
 deprehenderetur, inde ejecta Insulas
 secessit, ubi se Spiritu Sancto regi men-
 titæ, se per divinationes, visiones, som-
 nia, ac cælitus prolatas voces, fre-
 quentissime autem in intimo cordis sui
 sine omni illusionis periculo divinam
 voluntatem, cunctaque sublimia intel-
 ligere jactitabat: Joannis quidem En-
 gelberti, & Jacobi Bohemii celebrium
 e secta Lutherana fanaticorum visio-
 nes & dogmata Spiritui sancto tribue-
 bat, his vero se longe superiorem di-
 cebat, eoquod sibi Deus purum, ple-
 numque cognitionis lumen affudisset:
 His deliriis semetipsam, aliosque ali-
 quamdiu decipiens, rursus e Flandria
 emigrare jubebatur, unde Amsteloda-
 mum profuga, ibidem suas putidas
 merces divendebat; ast a Prædicanti-
 bus accusata, direque vexata, Nord-
 strandiam Insulam, quam Christianus
 de Cort Jansenistis vendiderat, inco-
 lere

Vid. supra
 §. 118.
 pag. 423.

lere statuit, in itinere vero ab Hol-
 satiae Præconibus apud Magistratum A. C. 1680.
 delata, sua typographia, libris, tota-
 que fanaticæ suæ artis suppellectile spo-
 liata est, Hamburgum secedere com-
 pulsa: ubi tamen haud mitiora expe-
 riri cogebatur, plurimos tamen sacri-
 lego calamo libros composuit, quibus
 eandem a Deo auctoritatem esse attri-
 butam, quæ Sacris debetur literis, sto-
 lida temeritate asseverabat. Adamum
 quoque promiscuo sexu, indeque Chri-
 stum Dominum ante creatam Evam
 fuisse genitum, gentiles sine ulla Evan-
 gelii prædicatione ex sola Christi inter-
 cessione salvari, pluraque alia impia
 ejusmodi commenta divulgavit, quin
 tamen suæ insanix Sectatores sollicitè
 quæreretur, obvios tamen quosque sine
 Religionis discrimine recepit, dum-
 modo eam velut Spiritus Magistram ac
 Matrem venerari, seque ad pacti, quod
 eis præscripserat, formulam obstrin-
 gere vellent: nec etiam eos repulit,
 qui relictis uxoribus ei adhærebant,
 quinimo Maritos, ut uxores suas sequi
 recusantes deserant, jussit. Porro De-
 liræ huic fœminæ jam carceres para-
 bantur, quo tempestive comperto ipsa
 Lucemburgo clam hoc anno in Hollan-
 diam aufugit, ast in itinere febris cor-
 repta, Franckeræ die trigesima Octo-
 bris

Sæc. XVII. A. C. 1680. bris decessit: Sectatorem ferme unicum post se reliquit Petrum Poiretum Hugonotam, quamplurimos autem Calvinistas, qui fatuam hanc Virginem ejusque deliria summis celebrabant encomiis. Reliquit Burignonia novemdecim omnino scriptorum suorum volumina Amstelodami novissime typis edita.

§. VIII.

Lazari Pallavicini Cardinalis decessus.

*Oldoin. in
notis ad
Ciacon.*

Digniore longe memoria celebrandus est obitus Lazari Pallavicini Cardinalis, ac Genuensis Patritii: Hic ingenii acie præditus, atque in omni literatura exercitatus, primo Clericorum Cameræ Apostolicæ Decanum, postea Annonæ Præfectum, ac Urbis Romanæ Ædilem egit: cum autem hæc munia singulari sollicitudine adimpleffet, a Clemente IX. Cardinalis & paulopost Bononiensis Legatus renuntiabatur, qua legatione honorifice expleta, Romam reversus, publicis Ecclesiæ negotiis per plures annos intendit; tandem vero articuli morbo consumptus, egregius literatorum fautor, & pauperum Patronus ibidem justorum morte laboris præmium die vigesima Aprilis recepit.

§. IX.